

# Turkiston

1925-yildan chiqqan boshlagan

O'ZBEKISTON RESPUBLIKASI «KAMOLOT» YOSHLAR IJTIMOIIY HARAKATINING GAZETASI

2002 yil 25-MAY, shanba № 63-64 (14555)

## «БОЙСУН БАҲОРИ» ХАЛҚАРО ФОЛЬКЛОР ФЕСТИВАЛИ ИШТИРОКЧИЛАРИГА

Қадрли фестивал қатнашчилари!

Хурматли меҳмонлар! Аввало, сизларни бугунги гўзаллик ва нафосат байрами - «Бойсун баҳори» халқаро фольклор фестивали ўтказилиши муносабати билан Ўзбекистон заминидан қутлашдан гоят мамнун эканлигимни изҳор этмоқчиман.

Унлаб хорижий мамлакатларнинг вакиллари иштирок этаётган ушбу санъат анжуманининг дунё цивилизацияси бешиklarидан бири, кўҳна қадриятлар макони бўлмиш Сурхон воҳасида, қадимий Бойсун тупроғида ўтаётгани беиз эмас.

Бу бетакрор масканнинг нуфузли халқаро ташкилот - ЮНЕСКО томонидан «Инсоний

ят оғзаки ва маънавий мероси дурдонаси» сифатида эътироф этилгани ҳам бу фикрни яққол тасдиқлаб турибди.

Бу юксак эътирофни асрлар давомида халқ оғзаки ижодининг энг гўзал намуналарини, миллий урф-одатларини асраб-авайлаб келаётган ўзбек халқининг қадимий ва теран маънавиятига берилган муносиб баҳо, десак, ҳеч қандай хато бўлмайди.

Шу маънода, Бойсун элининг мафтункор санъати ҳам халқимиз яратган бениҳоя бой ва ранг-баранг миллий маданиятнинг ўзига хос бир кўринишидир.

Биз халқимизнинг кўп асрлик ҳаёт тажрибасини, орзунтилишларини ўзида мужас-

сам этган ўлмас меросимиздан маънавий куч-қувват ола- миз, уларни миллий ва умуминсоний қадриятлар уйғунли- гига асосланган янги ҳаёт, янги жамият барпо этишда мустаҳкам таянч, деб биламиз.

Чунки, халқ руҳининг кўзгу- си бўлган фольклор санъати, ўз маъно-мазмунига кўра, одамзот қалбида меҳр-шафқат, муҳаббат ва дўстлик, ҳамжи- ҳатлик каби эзгу туйғулар уй- га, ҳар бир инсонни ўзли- гини, қадимий томир-илди- ларини англашга даъват этади.

Ишончим комилки, сиз, бу- гун бошланаётган анжуман иштирокчилари, турли миллат ва элатларга хос фольклор намуналарини намойиш эти- ш билан бирга, айни вақтда халқимизнинг қадимий санъати,

юксак ижодий салоҳияти, баг- рикенглик ва меҳмондўстлик фазилатлари билан ҳам яқин- дан танишиш имконига эга бўласизлар.

Мен ушбу санъат байрами- ни ўтказишга ўз ҳиссасини қўшган ЮНЕСКО вакиллари- га, барча мутасадди ташкилот- ларга, узоқ-яқиндан ташриф буюрган фестивал иштирок- чилари ва меҳмонларига чин юракдан миннатдорлик билди- раман.

Барчангизга ижодий ютуқ- лар, санъат воситасида халқ- ларни ўзаро яқинлаштириш- дек олижаноб ишларингизда янгидан-янги муваффақият- лар тилайман.

**Ислом КАРИМОВ,**  
Ўзбекистон Республикаси  
Президенти

## ЁШЛАР БЕФАРҚ ЭМАС

Термиз шаҳрида «ОИТС ва гиёҳ- вандликка қаршимиз!» шиори ости- да марафон ўтказилди. Бу тадбир БМТнинг ЮНИСЕФ болалар фонди, «Камолот» ёшлар ижтимоий ҳара- кати ва ЮНЕЙДС халқаро ташкилот- лари ҳамкорлигида ташкил этилди.

Ёшлар анжуманида сўзга чиққан «Камолот» ёшлар ижтимоий ҳара- кати Марказий Кенгаши раиси Бо- тир Убайдуллаев қатнашди.

Вилоят санъаткорлари катта кон- церт дастурини бошлаб беришди. Республикаимизнинг таниқли эстра- да хонандаларидан Рустам Маҳму- дов ва Севара Назархон ижро эт- ган кўшиқлар барчага манзур бўлди.

**Чори ЖУМАКУЛОВ**

## СЎНГГИ КЎНҒИРОҚҚА САФЛАНИНГ!



Азиз АКРОМОВ олган сурат

## МАКТАБДА СОДИР БЎЛГАН ВОҚЕАЛАРНИ ЭСЛАШ, КИМНИНГДИР ЎҚУВЧИЛИК ХОТИРАЛАРИНИ ТИНГЛАШ ҲАМ КИШИГА ЎЗГАЧА ЗАВҚ БАФИШЛАЙДИ

**Илҳом ФАРМОҲОВ** — Ўзбекистонда хизмат кўрсатган артист:

— Эҳ-ҳе, у кунларни эс- ласам, энтиқиб кетаман. Чунки болалиқда жуда шўх бўлганман. Тўрт-беш синфдош биргалиқда ҳар кун турли-туман хангома- лар ўйлаб топардик.

Бешинчи ё олтинчи син- фда ўқиб юрган кезлари- миз эди. Шухрат деган синфдошимиз дарсга қора мушук олиб кирганди. Ушанда математика фани- дан ёзма иш бўлаётганди. Шухрат эса у фандан «ўғил боланинг баҳоси»га ўқир- ди.

Шухрат дарснинг қоқ ярмида мушукни Нигора

деган синфдошимиз то- монга қўйиб юборди. Қиз қўрқиб кетиб, қаттиқ чин- қириб юборгани ҳали-ҳали ёдимда. Кейин билсак, Шухрат дафтарини кўчи- ришга бермаган Нигора- ни «жазолаш» учун шундай йўл тутган экан...

**Зухра АШУРОВА** — Ўзбекистонда хизмат кўрсатган артист:

— Ўқувчилик давримни жуда кўп эслайман. Биз — синфдош йигит-қизлар жуда иноқ бўлганмиз. Тўғриси, бизнинг синфни барча ўқитувчиларимиз бирдек мақташарди. Чун- ки бизда қоқ ўқувчининг ўзи йўқ эди, ҳаммамиз ўқишга жуда қизиқардик.

Бир жуда қаттиққўл ўқитувчимиз бўларди. У киши ўзидан кейин синф- хона остонасини ҳатлаган ўқувчини дарсга киритмас- ди. Бир кун, келиб-келиб, шу муаллимимизнинг дар- слари биринчи соатда бўлган кун ухлаб қолиб- ман-да! Уйғондим-у, апил- тапил мактабга югуриб кет- дим. Қанчалик тез югурмай, барибир кечикдим.

Синфхона эшиги олди- да бироз иккиланиб тур- дим. Ҳозир кириб борсам, муаллим, эшикни ташқа- рисидан ёпиб қўй, деб, журналга каттагина «2» қўядилар. Чорак ҳам яқин- лашиб қолувди ўзи, эсиз! Шундай хаёллар билан

эшикни оҳиста очиб, ост- она ҳатладим.

— Ассалому алайкум, кирсам майлими? — де- дим секингина.

Ўқитувчимиз журнал- дан бош кўтариб, бир қошини учуриб қўйди. Мен бу ишорани ўзимча тушу- ниб, синфхонадан чиқиб, секингина эшикни ёпдим. Ичкарида «гурр» кулги кўтарилди. Қайтиб кирсам, устозимиз ҳам кулаётган эканлар. Кейин билсам, бу ишора ўқитувчимизнинг «киринг» деганлари экан.

**Фаррух ОРИФЖОНОВ** — муҳандис:

— Расм ўқитувчимиз- нинг галати бир одати бор эди. У кўпинча ўқувчилар-

га натюрморт чиздирар, ҳатто шкафида андоза ва- зифасини ўтайдиган бир қанча буюмларни ҳам сақ- ларди.

Бир кун яна натюр- морт чизиш топширигини олдик. Ўқитувчимиз бу са- фар рўпарамиздаги суян- чиксиз стулга (у ҳаммиша бир жойда - ўқувчиларнинг қаршисида турар, муал- лим андозани унинг усти- га қўярди!) сап-сарик, кат- тагина олма билан нок қўйди.

Туш пайти яқинлашиб қолган, бунинг устига эр- талаб яхшилаб нонушта қилмаганим учун олтиндек товланиб турган бу мева- лар иштаҳамни қитқилаб

юборди. Суратни ўхшатиб чиқишга интилганим эмас, балки мевалардан ҳеч бўлмаса биттасини «ўма- риб» кетиш ниятим бўлган- ни учун улардан имкон қадар кўз узмай, бетоқат- лик билан дарс тугагини кутардим.

Ниҳоят, кўнғироқ чали- ниб, синфдошларимдан бир нечтаси чизган сурат- ларини кўрсатиш учун ўқитувчимизнинг столини ўраб олишди. Бу қулай фурсатни қўлдан бой бер- май, дарҳол олмани ол- дим. Сабрим чидамай уни шартта тишладим-у, оғзимда галати таъмини туйдим. Мевалар... мум- дан ясалган экан!!!

# ЁШЛИК, МАРДЛИК, БИРДАМЛИК ВА ГЎЗАЛЛИК БАЙРАМИ

Мамлакатимизда ёшларни ҳар томонлама етук инсонлар этиб воёга етказиш, улар ўртасида спорт ва жисмоний тарбияни кенг оммавийлаштириш, соғлом турмуш тарзини шакллантириш давлат сиёсати даражасига кўтарилган. Бунда Президентимиз Ислам Каримовнинг ташаббуси билан ҳаётга кенг қўламда татбиқ этилаётган таълим соҳасидаги уч босқичли узлуксиз спорт мусобақалари тизимининг ўрни бекиёсдир.

Бухорода 26 май куни тантанали равишда очиладиган ёшлик, мардлик, бирдамлик ва гўзаллик байрами - "Универсиада-2002" спорт ўйинлари мазкур ҳаётбахш тизимнинг энг юқори босқичи ҳисобланади. Аёнана мувофиқ, иккинчи бор ўтказилаётган ушбу мусобақа машъаласи Чотқол тоғ тизмаси бағридаги сўлим гўша - Паркент

туманининг баланд тепаликларида жойлашган "Физика-Кўёш" илмий ишлаб чиқариш бирлашмасида офтоб нурлари-

## УНИВЕРСИАДА МАШЪАЛАСИ БУХОРОГА ЙЎЛ ОЛДИ

дан ёндириб олинди.

Сидней Олимпиадаси иштирокчиси, Пекинда ўтказилган жаҳон универсиадасида дзюдо бўйича кумуш ва бронза медаллари соҳиби Абдулла полвон Тангриев ҳамда сузиш бўйича уч карра Осиё чемпиони Саида Искандарова машъалани биргаликда ёқди.

Бундай шарафли ва масъулиятли вазифа спортчи қизлар орасидан менга ишониб топширилганидан беҳад хурсандман, - дейди Тошкент давлат аграр университетида таҳсил олаётган С.Искандарова ўз А мухбирига. - Насиб қилса, Бухородаги "Универсиада-2002" да

ҳам ўзим танлаган спорт тури бўйича олтин медалларни қўлга киритишга ҳаракат қиламан.

Мен кўплаб халқаро мусобақаларда сириндорлар сирасида шарафланганимда ҳам бунчалик ҳаяжонга тушмаган эдим, - дейди Абдулла полвон. - "Универсиада-2002" машъаласини кўтариш менга ҳам ишонилганидан ғоят мамнунман. Бу ишонни дастлаб Бухорода ўтажак Универсиадада, қолаверса, жаҳон чемпиони ва Олимпиада ўйинлари каби нуфузли мусобақаларда юртимиз байроғини сарбаланд этиш орқали оқлашга ҳаракат қиламан.

Таъкидлаб ўтиш жоизки, жаҳонда Паркентдаги каби ноёб иншоот бор-йўғи иккита. Улар-

нинг бири Франция жанубидаги Пириней тоғларида жойлашган бўлса, иккинчиси мамлакатимизда фаолият кўрсатади. Франциядаги иншоотда мутахассислар кўёш нурлари хусусиятини фақат кундузи ўрганса, Паркентда замонавий оптик қурилмалар ёрдамида кечаси ҳам илмий тадқиқотларни давом эттириш мумкин.

Ана шундай ноёб қурилмалар ёрдамида кўёш нурларини ўзига сингдирган машъала белгиланган йўналиш бўйича Бухорога йўл олди. Мамлакатимизнинг энг умидли ва иқтидорли талаба-спортчилари уни шаҳару қишлоқлар оша қўлма-қўл баланд кўтариб бормоқда.

Тантанали маросимда Ўзбекистон Республикаси Президентининг Давлат маслаҳатчиси Т.Рискиев иштирок этди. **Зоҳир ТОШХЎЖАЕВ, ЎЗА мухбири**

**Андижон қишлоқ хўжалиги институтида талаба ёшларнинг спортга қизиқувчанлигини ошириш, иқтидорли спортчиларни танлаш ва тарбиялаш борасида кўпгина ибратли ишлар амалга оширилмоқда.**

Институт ректорати ҳамда "Универсиада - 2002" ташкилий қўмитаси спорт иншоотларининг ҳолати, спорт турлари бўйича ўтказилаётган машғулотларининг сифати ва самарадорлигини янада яхшилаш масалаларига асосий эътиборни қаратмоқда.

Институтда спортнинг 13 тури бўйича тўғараклар ишлаб турибди. Тўғаракларга раҳбарлик қилишга профессор-ўқитувчилардан ташқари тажрибали спортчи-мураббийлар ҳам жалб этилган ва сўнгги бир йил ичида бир миллион сўмликдан ортик қўшимча спорт-анжомлари ва кийимлари сотиб олинди.

"Универсиада - 2002" спорт мусобақаларининг биринчи босқичи институтда уюшқоқлик билан ўтказилди ва унинг натижалари асосида институт терма жамоалари шакллантирилди. Спортчи талабалар ва уларнинг мураббийларига мусобақаларга тайёргарлик кўриш ҳамда фаол иштирок этиш учун барча зарур шароитлар яратилди. Натижада институт талабалари вилоят миқёсида ўтказилаётган иккинчи босқич мусобақаларида ҳам салмоқли ютуқларни қўлга киритдилар.

Миллий кураш бўйича биринчи, шахмат, қўл тўпи, дзюдо бўйича иккинчи, стол тенниси, волейбол, белбоғли кураш ва футбол бўйича учинчи ўринни эгалладилар.

Натижалар янада салмоқлироқ бўлиши мумкин эди. Аммо талабаларимиз орасида қизлар озчиликни ташкил этганлиги учун аёллар жамоалари яхши кўрсаткичларга эриша олмади. Шунинг учун ҳам келажакда талаба ёшлар орасидан иқтидорли спортчи қизларни танлаш ва тарбиялашга эътиборни кучайтиришни режалаштирямиз.

Институт спортчи талабаларининг мусобақаларда эришган натижалари таҳлил қилиниб, навбатдаги вазифалар белгилаб борилмоқда. Яқинда миллий кураш, шахмат, қўл тўпи, стол тенниси ва волейбол бўйича мусобақаларда яхши кўрсаткичларга эришган етмиш нафар талаба моддий рағбатлантирилди. Уларнинг мураббийлари бўлган 16 нафар профессор-ўқитувчилар ҳам пул мукофотлари билан тақдирландилар.

"Универсиада - 2002" спорт мусобақаларининг Бухоро шаҳрида бўладиган якуний босқичи мусобақаларида институтнинг 20 нафардан ортик иқтидорли спортчилар Андижон вилоятининг футбол, кураш, баскетбол, дзюдо бўйича терма жамоалари таркибида майдонга тушадилар. Шу кунларда футбол бўйича вилоят терма жамоаси якуний мусобақаларга тайёргарлик машқларини қизгин олиб бормоқда. Жамоа таркибида институтимизнинг Жаҳонгир Қосимов, Улуғбек Ҳақимов, Ҳасанбой Турсунов каби моҳир футболчи талабалари бор. Уларнинг шiori: "Бухорода фақат галаба!"га эришишдир.

**Ҳабиб СИДДИҚОВ, Андижон қишлоқ хўжалиги институти проректори**

## ҚЎЛ УШЛАШИБ КЕЛАР ҚУВОНЧЛАР

Бу йилги баҳор қадим Бухорога ўзгача руҳ олиб келди. Бундан беш йил бурун бийдай чўл ўртасида қурилган Марказий Осиёда ягона Бухоро нефтни қайта ишлаш заводига ишга келган ёшлар корхона қуввати ҳамда маҳсулоти хорижга ном таратганидан дилдан қувонади. Бу ҳам бахт. Кўҳна ва ҳамшиша навқирон шаҳарнинг қоқ марказидаги ўйингоҳда мамлакат талаба ёшларининг спорт анжумани - "Универсиада-2002" бўлиб ўтади. Шу боис бу катта маърака тадориги авжида. Бу ҳам яна бир қувонч.

Бухороликлар ҳалигача бундай ҳашаматли ўйингоҳни кўрмаган эдилар. Ўйингоҳга киришнинг бош қисмида катта фаввора. Ундан гумбаз шаклида атрофга сув отилади. Илгари эски "Бухоро" ўйингоҳига кириш

жойи учта эди. Эндигисида эса ўнта. Ана шу ўнта дарвозадан кирган томошабин учун 22 минг ўриндиқ муҳайё. Ишқибозларга ҳамма шароит яратилган. Иккита теннис корти. Стадионни ёритиб турадиган узунлиги 50 метр бўлган юқори кучланишли ёритгичлар. Томошабинларни кўёш нуридан муҳофаза этувчи махсус соябонлар. Голландиянинг "Philips" фирмаси маҳсулоти бўлган узунлиги 12, бўйи 9 метрли табло...

Бухоро Давлат университети, Бухоро озиқ-овқат ва енгил саноат институтларида бу борада кўрилатган таратқилни айтмай-сизми?! Шаҳарнинг мўътабар отахонларидан бири Орзикул ота Ўроқовнинг қувончи кўксига сиймайди. 106 баҳорни қаршилаган отахон невар ва эваралари билан "Универсиада-2002" мусобақаларини қузатмоқчи.

Бу гал мўсафид шаҳар баҳорга янада покланиб, қўкраниб пешвоз чиқди. Бундан бир неча ой илгари унинг кўча ва хиёбонлари, маҳалла ва гузарларидан тозалик, ободонлаштириш ишларига қўл урилганди.

Мана, бугун кўчалар равон, атрофи гулу гулзор. Янги хиёбонлар, йўлаклар барпо этилган.

**Даврон БАҲРОНОВ, журналист**



## ЭСКИ ШАҲАРНИНГ ЯНГИ МИНОРАЛАРИ

Яқинда Бухоронинг эски шаҳар қисми билан замонавий бинолар бошланувчи қисми ўртасидаги майдонда, аниқроғи, "Бухоро" спорт мажмуида яна тўртта янги минора қад кўтарди.

26 май куни кечкурун "Универсиада-2002"нинг тантанали очилиш маросими "Бухоро" спорт мажмуида бўлиб ўтади. Ҳеч муболағасиз айтиш мумкинки, бу байрам мамлакатимизда то шу пайтгача ўтган спорт байрамларидан кўра гўзалроқ, тантаналироқ бўлади. Шундай дейишга асосимиз бор. Чунки икки ярим минг нафар спортчи, бир ярим минг нафар

маданий-маиший хизмат кўрсатиш соҳаси ходимлари иштирок этувчи мусобақа ҳали Ўзбекистонда ўтган эмас. Бир ҳафта мобайнида мамлакатнинг ўн икки вилояти, Қорақалпоғистон Республикаси ва Тошкент шаҳридаги олий ўқув юртиларидан саралаб олинган 16 жамоа спортнинг 12 тури бўйича Бухоро ўйингоҳларида беллашадилар. Пойтахт-

дан таклиф этилган энг машҳур санъаткорлар, шунингдек, ҳар бир вилоятнинг ўзига хос санъатини намойиш этувчи ашула ва рақс дасталари улар хизматида бўлишади. 25 минг томошабинга мўлжаллаб қайта бунёд этилган "Бухоро" ўйингоҳида мухлислар кундузи қизиқарли спорт мусобақаларини қузатишса, кечкурун мусиқий байрам

дастурларидан бахраманд бўлиб, ҳордиқ чиқаришади.

"Универсиада-2002" мусобақалари нафақат мамлакатимизда, балки хорижда ҳам катта қизиқиш уйғотмоқда, - дейди мусобақа ташкилий қўмитаси аъзоси, Бухоро вилояти ҳокими, Ўзбекистон Республикаси Олий Мажлиси депутаты Самойиддин Ҳусенов. - Мустақил

Давлатлар Ҳамдўстлигига кирувчи мамлакатлардан фақат Ўзбекистонда шу даражада мукамал, уч босқичли, ҳар икки йилда бир ўтказилаётган "Универсиада" мусобақаларини қузатишга элликдан ортик мамлакат ўз қузатувчиларини, журналистларини юбориш истагини билдирган. Шубҳасиз, соғлом ва баркамол авлодни воёга етказиш мақсадида қилинаётган кенг қамровли ишлардан бири ҳисобланган ушбу тадбир, ўзига хос тажриба хорижликлар томонидан ўрганилса арзийди.

**Саидбурхон ҚОДИРОВ, «Turkiston» мухбири**

# Bugungi yoshlar ТЕЖАМКОРЛИК — ЯГОНА ЧОРА

Маълумки, газетамиз саҳифаларида сувни тежашга оид туркум мақолалар бериб борилмоқда. Бугун бу мавзуда фикр юритмоқчи бўлган ёшларимиз ҳам айнан эртага ушбу соҳани мутахассислари бўлиб етишади.

Қуйида уларнинг бўлажак мутахассис сифатидаги фикрлари билан танишинг:

## Рустам ШУКРУЛЛАЕВ, Тошкент Ирригация ва қишлоқ хўжалигини механизациялаш инженерлари институти 4-курс толиби:

— Бугун жаҳондаги энг долзарб муаммолардан бири бу сув ресурслари тақсими ва ундан оқилона фойдаланишдир.

Ҳозирга келиб сув танқислиги туфайли вужудга келган Орол муаммоси умумжаҳон муаммоларидан бирига айланган. Бу муаммо бўйича кўплаб илмий, амалий ишлар амалга оширилмоқда. Лекин афсуски, шу кунга қадар бу муаммо тўлиқ ўз ечимини топди деб айта олмаيمиз. Менинг фикримча, Амударё ва Сирдарё сувларини Марказий Осиё давлатлари ўртасида оқилона тақсимлашдан туриб Орол денгизи ҳавасида вужудга келган сув танқислигини тўлиқ ечиб бўлмайди.

Бундан ташқари, бу ҳудудда атроф-муҳитнинг бузилиши бир қатор экологик муаммоларни ҳам келтириб чиқармоқда. Бу муаммоларни ечиш учун юксак маҳоратли маҳаллий экологлар ва сув ресурсларини бошқарувчи мутахассислар керак, албатта.

Мен танлаган соҳам бўйича олган билимларимни чуқурлаштириш мақсадида ўқишни АҚШда давом эттирмоқчиман. Келажакда олган билимларим асосида мамлақатимиз қишлоқ хўжалиги ривожига ўз ҳиссамни қўшаман, деган умиддаман.

Биз мамлақатимизда сувни иқтисод қиладиган янги технологияларни, замонавий сугориш усуллари қўллашимиз керак. Чунки бир Америка долларига тенг миллий маҳсулот етиштириш учун Шимолий Америкада 0,1 м3 сув сарфланиб турган бир даврда Марказий Осиё давлат-

ларида бу кўрсаткич 1,5-5,6 м3 ни ташкил этмоқда. Келажакда қишлоқ ва сув хўжалиги соҳаларида сув ресурсларини бошқаришда қўлайланган технологияларимиз ва услубларимиз, сувни иқтисод қилиш қолиши билан бирга қишлоқ хўжалик экинларидан барқарор ва юқори ҳосил олишни ҳам таъминлаши керак.


## Аброр Ғофуров, ТИҚХМ ИИ Гидромелиорация факультети 4-курс талабаси:

— Республикаимизда сугориладиган 4,3 млн.га. ерни қониқарли даражада сугориш ҳудуддаги мавжуд сув ресурсларидан оқилона фойдаланиш орқалигина амалга оширилади. Сув манбаидан сугориш учун олинаётган сувни сугорилаётган майдонларга етказиб берадиган гидромелиоратив тизимлар, гидротехник иншоотлар ва насос станцияларининг катта қисми ўз хизмат муддатини ўтаб бўлганлиги сабабли далага оқиб келаётган сувнинг кўп қисми исроф бўлишига йўл қўйилмоқда. Бунинг олдини олиш учун бу иншоотларни қайта таъмирлаш ва тўғри фойдаланишни йўлга қўйиш керак.

Ичимлик сувини аҳолига етказиб бериш ҳам шу соҳа мутахассисларининг зиммасидадир. Чуқуқ сув республика-


мизда табиатан нотекис тақсимланган бўлиб, айрим чекка қишлоқлар аҳолисини ичимлик суви билан таъминлаш келгусида амалга ошириш зарур бўлган вазифалардан биридир. Ичимлик суви трубопроводларидан фойдаланаётган аҳоли, саноат корхоналари ва ташкилотларнинг сув истеъмоли йилдан йилга ортиб бориши, ундан келгусида жуда ҳам тежамкорлик билан фойдаланишни талаб қилади. Аҳоли хонадонларида, корхона ва ташкилотлардаги ичимлик суви трубопроводларига махсус сув ўлчаш асбобларини ўрнатиш истеъмочиларнинг сувга бўлган муносабатини ижобий томонга ўзгартиришга олиб келади. Саноат корхоналаридан чиқаётган чиқинди сувлари ва сугориладиган майдонлардан чиқаётган коллектор-зовур ташлама сувлари сув манбаига қайта ташланиши мавжуд сув сифатининг бузилишига ва экологик муаммоларнинг келиб чиқишига сабаб бўлади.

## «Turkiston» мухбири Хуршидбек РЎЗИЕВ суҳбатлашди



Оролни кутқариш халқаро фонди GEF Агентлиги В Компоненти Ўзбекистон миллий ишчи гуруҳи

ичимлик суви трубопроводларига махсус сув ўлчаш асбобларини ўрнатиш истеъмочиларнинг сувга бўлган муносабатини ижобий томонга ўзгартиришга олиб келади. Саноат корхоналаридан чиқаётган чиқинди сувлари ва сугориладиган майдонлардан чиқаётган коллектор-зовур ташлама сувлари сув манбаига қайта ташланиши мавжуд сув сифатининг бузилишига ва экологик муаммоларнинг келиб чиқишига сабаб бўлади.




Чирчиқ тиббиёт билим юрти талабалари да...

Азиз АКРОМОВ олган сурат

## Birinchi Мамлақат диетини р... хориж инв... аҳамияти... кунда рес... хорижий и... кулай имк... ган.

## СЕ У

Республика инвестиция асосан ҳам лар тузиш ё оширилмоқ, имиз бизга жуда кадрдон Америка Қў бўлиб қолган. Бу даргоҳ-Британия, Г ни тарк этсак-да, қалби-Жанубий Қорғиз, юрагимиз шу ерда Индонезия, қолади.



— Тўғри, шу йиллар орасида кўп шўхликлар қилдик, - дейди суҳбатимизга қўшилган Шерзод Саидаминов. — Бунинг учун устозларимиздан келар тузиш ё оширилмоқ, имиз бизга жуда кадрдон Америка Қў бўлиб қолган. Бу даргоҳ-Британия, Г ни тарк этсак-да, қалби-Жанубий Қорғиз, юрагимиз шу ерда Индонезия, қолади.



— Битирув йилининг ри билан ҳам сўнгги кунларида синф-корхоналар фаолият кўр қаторига “ (олтин қаз (тамаки сан электроник саноати), “бита” ва “Д муникация т саламан” (г. “ЎзДЭУавто (автомобилс

дейди афсус билан Беҳзод Равшанов.

Шу пайт сафланиш тўғрисида буйруқ берилди. Битирувчилар бир-бир лицей ҳовлисига саф тортишди. Ҳамма кўнглидаги гапни устозларига етказар экан, ҳаёт мактабига қадам қўяётганидан фахрланаётганини уларнинг юз-кўзидан билиш мумкин эди.

Ҳаёт мактаби... Унда шўхликлар-у, хатоликларга асло йўл қўйиб бўлмайди. Ноўрин қилинган биргина хатти-ҳаракат “ўқувчи”ни шу мактаб дарго-

хидан бир умрга четлаштириб ташлайди. Унда Ҳақиқат дарси, Адолат мавзуси яшашнинг бош мақсади ҳисобланади. Шундай экан, битирувчилар сўнгги кўнгирак олдидаги ана шу масъулиятни ҳис қиладиган бўлса, ажаб эмас...

Тошкент Молия институти магистранти

## ЎЗБЕКИСТОН РЕСПУБЛИКАСИ ОЛИЙ ВА ЎРТА МАХСУС ТАЪЛИМ ВАЗИРЛИГИ

### ТОШКЕНТ МОЛИЯ ВА ИҚТИСОДИЁТ КОЛЛЕЖИ

Тошкент молия ва иқтисодиёт коллежи куйидаги йўналишлар бўйича 9-синф маълумоти асосида ўрта махсус касб-хунар таълим дастури ҳамда 11-синф маълумоти асосида кундузги ҳамда сиртки бўлимга техникум дастури асосида (тўлов-шартнома) қабул эълон қилади:

- \* Бухгалтерия ҳисоби;
- \* Молия;
- \* Солиқ ва солиққа тортиш;
- \* Банк иши.

Ҳужжатлар 2002 йилнинг 20 июнидан 30 июлгача қабул қилинади.

**Бизнинг манзилимиз:**  
**Сергели-3, 49-уй.**  
**Автобуслар: 40, 58, 86, 104, 130.**  
**Сергели “Ярмаркаси” бека-ти**

## Mening fikrim

Ҳозир айримларга тирикчилик ўтказишнинг энг маъқул йўли — улгуржи бозордан арзонроқ нархда мол олиб, кўча-кўйда кимматига сотиш бўлиб қолди.

“Талабалар шаҳарчаси” да ҳам бу каби тижорат билан шуғулланувчилар талайгина. Айниқса, кечга бориб уларнинг савдоси қизигандан-қизийди. Чунки ўқишдан қайтган ёшлар кўчага чиқишади. Бири писта, иккинчиси курт, бошқаси сигарет харид қилади. Ҳар қалай, тижоратчиларга, ўзларининг тили билан айтганда, “нон пули” чиқиб туради.

Биз уларга қарши чиқмоқчи эмасмиз. Фақат ана шу туфайли бошқа кинғир йўлларга кириб кетиши мумкин бўлган ёш навниҳол қизларимиз ҳақида тўхталмоқчимиз. У оддий, чиройли ва келишган қиз. Кечкурунлари кўпинча унга кўзим тушади. Сабаби “харидор”лари асосан йигитлар бўлади.

Бир куни кеч соат ўнлар атрофида ётоқхонага келаётгани яна ўша тижоратчи қиз ва уни

куршаб олган йигитларни учратдим. Йигитлар ён-атрофда ҳеч ким йўқлигидан фойдаланиб, унга гап ташлашарди:

— Яхши қиз, пистайиз қанча? — гап отди йигитлардан бири киноя билан.

## БОЗОРДАГИ ҚИЗ

ёхуд тижоратчи қизнинг «харидор»и кимлар?

Кичкина-си 20 сўм, каттаси 30 сўм, — стаканларни кўрсатиб жавоб

берди қиз жиддий оҳангда.

— Ўзингиз қанча турасиз, — деди гап ташлаган йигит ўз гапидан ўзи хаузур қилиб.

Қиз индамади.

Шарқда аёлларга юксак ҳурмат-эҳтиром билан қаралган. Аммо ҳозирда кўпчилик ҳавас қилган маънавиятимизга пугур етмайптимизга? Қизини кечаси савдога чиқариб қўйган ота-она қаерга қарамокда? Наҳотки, пул топиш дарди қизининг ифбатидан, орномусидан баланд бўлса! Ўша ота-оналарни тирикчилик ташвишлари шунчалик банд қилиб қўйганмикан?

Сиз бунга нима дейсиз?

Беҳзод БОЗОРОВ, талаба

## ОТКРЫТОЕ АКЦИОНЕРНОЕ ОБЩЕСТВО «ЭЛЕКОР»

### СООБЩАЕТ, ЧТО:

Отчетное общее собрание акционеров ОАО “Элекор” по итогам 2001 года состоится 21 июня 2002 года в 14-00 часов по адресу: г.Ташкент, ул. Дружбы народов, 52. Начало регистрации в 13-30 часов.

Список акционеров, имеющих право на участие в общем собрании акционеров составлен на 20 мая 2002 года.

#### ПОВЕСТКА ДНЯ:

1. Отчет Председателя Правления ОАО “ЭЛЕКОР” за 2001 год и перспективы развития общества в 2002 году.

2. Заключение аудитора общества и утверждение годового отчета, бухгалтерского баланса, счета прибылей убытков ОАО “ЭЛЕКОР”.

3. Распределение прибыли общества за 2001 год.

4. Утверждение сметы расходов на 2002 год в соответствии с бизнес-планом ОАО “Элекор”.

С полным текстом годового отчета ОАО “Элекор” за 2001 год можно ознакомиться по адресу: г.Ташкент, ул. Дружбы народов, 52, комн. 408, Ориентир ст.м. “Чиланзар”. Телефон для справок: 76-26-37

Наблюдательный совет ОАО “Элекор”

# ЁШЛИК, МАРДЛИК, ЧУК, ҲАМ АРМОНИМИЗ

Мамлакатимизда ёшларни ҳар томонлама етук инсонлар этиб воёга етказиш, улар ўртасида спорт ва жисмоний тарбияни кенг оммавийлаштириш, соғлом турмуш тарзини шакллантириш давлат сиёсати даражасига

кўтарилган. Бунда Президентимиз Ислам Каримовнинг ташаббуси билан ҳаётга кенг қўламада татбиқ этилаётган таълим соҳасидаги уч босқичли узлуксиз спорт мусобақалари тизимининг ўрни бекиёсдир.

Бухорода 26 май куни тантанали равишда очилган ёшлик, мардлик, бирдамлик ва гўзаллик байрами - "Универсиада-2002" спорт ўйинлари мазкур ҳаётбахш тизимнинг энг юқори босқичи ҳисобланади. Анъанага мувофиқ, иккинчи бор ўтказилаётган ушбу мусобақа машъаласи Чотқол тоғ тизмаси бағридаги сўлим гўша - Паркент

туманининг баланд тепаликларида жойлашган "Физика-Куёш" илмий ишлаб чиқариш бирлашмасида офтоб нурлари-

## УНИВЕРСИАДА БУХОРОГА

дан ёндириб олинди.

Сидней Олимпиадаси иштирокчиси, Пекинда ўтказилган жаҳон универсиадасида дзюдо бўйича кумуш ва бронза медаллари соҳиби Абдулла полвон Тангриев ҳамда сузиш бўйича уч карра Осиё чемпиони Саида Искандарова машъалани биргаликда ёқди.

Бундай шарафли ва масъулиятли вазифа спортчи қизлар орасидан менга ишониб топширилганидан беҳад хурсандман, - дейди Тошкент давлат аграр университетида тахсил олаётган С.Искандарова ўЗА мухбирига. - Насиб қилса, Бухородаги "Универсиада-2002" да



БЕХЗОД ФАЗЛИДДИНОВ

*Киприклар намланар кўз ёшларидан,  
Уйғонар ногаҳон юракда титроқ.  
Ажралгим келмайди синфдошлардан,  
Мен сендан хафаман, сўнги кўнғироқ!  
Дўстлар дийдорига тўёлганим йўқ,  
Бахт ҳиссин яхшироқ тўёлганим йўқ,  
Кимгадир севаман, дейёлганим йўқ,  
Мен сендан хафаман, сўнги кўнғироқ!  
Устозлар бағридан кетгим келмайди,  
Айрилик сўзларин айтгим келмайди,  
Соғинч дунёсига қайтгим келмайди,  
Мен сендан хафаман, сўнги кўнғироқ!  
Жонимни танзимдан узиб олгудай,  
Ана, чалинишга турибсан-ку шай.  
Қара, йиғлаялман бугун уялмай,  
Мен сендан хафаман, сўнги кўнғироқ!  
Бироз чалинмай тур, сенга гапим бор,  
Ҳар қадамда бизни этиб тур хушёр.  
Ҳаёт йўлларидан бўлсанг бизга ёр,  
Мен сендан розиман, сўнги кўнғироқ!*

Беҳзод ФАЗЛИДДИНОВ

## ҚЎЛ УШЛАШИБ К

Бу йилги баҳор қадим Бухорога ўзгача руҳ олиб келди. Бундан беш йил бурун бийдай чўл ўртасида қурилган Марказий Осиёда ягона Бухоро нефтни қайта ишлаш заводида ишлага қолган ёшлар қорғонна

жойи учта эди. Эўнта. Ана шу ўнта кирган томошаби ўриндиқ мухайё. Ни орзу қилган келажак ҳамма шароит ярари йўл оладилар. Бунга теннис корти. Стрелка фурунати турадиган узунлик

аммо унга қадар...  
"Тез-тез йиғилишиб,  
ҳаётимиздаги ҳар қандай

Мамлакатимиздаги, сиёсий, иқтисодий, маданий-маърифий соҳалардаги юксалишларда ёшларнинг фаол иштирок этаётгани қувонарли, албатта. Аҳолининг кўпчилиги қисмини ёшлар ташкил қилгани боис биз ҳам уларнинг камол топиши, юксак маънавиятли, ватанпарвар бўлишлари учун бор кучимизни сафарбар этмоқдамиз.

Мақсадимиз ҳам ёшларимизнинг мамлакатимиз ижтимоий-иқтисодий ҳаётидаги иштирокини янада фаоллаштириш. Асосий эътиборни ёшларнинг ташаббусларини, интилишларини қўллаб-қувватлашга қаратилган. Ишбилармонлик, тадбиркорлик ва омиқорликни шакллантириш учун қўлимиздан келган барча имкониятларни ишга солганмиз. Бунинг учун шарт-шароитлар етарли.

Самарқанд вилояти Кенгаши томонидан бир қанча тадбирлар ўтказилмоқдаки, бу, шубҳасиз, ёшларимизнинг маънавий дунёсини оширишда муҳим омилдир. "Қарияларни қадрлаш йили"да "Нуроний" жамғармаси билан ҳамкорликда 2002 йилга мўлжаллаб, қабул қилинган кўшма қарор асосида дастур ишлаб чиқилиб, бир қанча тадбирлар ўтказилди. Албатта, ёшлар тарбиясида ҳуқуқий саводхонлик муҳим ўрин тутарди. Ҳуқуқий онгининг ошиши — ҳуқуқбузарликни камайтиради, деган ибора бор. Вилоят ўрта махсус касб-хунар таълими, Халқ таълими бошқармалари билан ҳамкорликда "Сиз қонунни биласизми?" кўрик-танлови ўтказилди. Танловга ҳар бир мактаб, ўқув маскани пухта ҳозирлик кўрди ва иштирок этди.

Ўлкамиз тарихини ўрганишни кенг тарғиб қилувчи "Сиз тарихни биласизми?" кўрик-танловига вилоят мактаб ўқувчилари фаол иштирок этишди. Минтақавий босқичлар тугаб, Тойлок, Пайариқ, Нарпай, Темирийўл тумани жамоалари

финал босқичига йўлланма олишди. Ундан ташқари, "Умид ниҳоллари" спорт мусобақаларининг вилоят босқичи, қаратэ бўйича "Камолот" кубоги мусобақалари ўтказилди.

Вилоят телерадиокомпанияси ҳамда вилоят ҳокимлиги ўрта махсус, касб-хунар таълими бошқармаси ҳамкорлигида талабаларнинг бўш вақтларини мазмунли ўтказиш, илмий ва дунёвий билимларни ўзлаштиришга шароит яратиш мақсадида "Ёш билимдонлар" интеллектуал телеўйини ташкил этилди. Билимдонлар ўйини тез орада ўз мухлисларини топди. Қизиқувчилар сони кун сайин ортиб бормоқда.

Самарқанд шаҳрида ёшлар маркази қурилиши тез суръатлар билан давом этмоқда. Кейинчалик бу марказ ҳар бир туманда қурилиши кўзда тутилган. Ёшларимиз учун ўтказилаётган маънавий-маърифий тадбирлардан ташқари, уларнинг муаммоларини ҳал қилиш, иш билан таъминлаш, уларга ишлаш, ўқиш ва дам олишлари учун етарли шароитлар яратишга "Камолот" бош-қош бўлмоқда. Ёшларни Ватанга муҳаббат, миллий қадриятларимизга ҳурмат руҳида тарбиялаш ҳар биримизнинг муқаддас бурчимиздир.

**Баҳодир ШАРОПОВ,**  
«Камолот» ёшлар ижтимоий ҳаракати Самарқанд вилояти Кенгаши раиси

# «КАМОЛОТ» НАФАСИ

**"Камолот" ёшлар ижтимоий ҳаракати Асака шаҳар Кенгаши ташаббуси билан ёшларни жисмоний жиҳатдан чиниқтириш, маҳалла ёшлари ўртасида спортни ривожлантириш, бўш вақтларини мазмунли ўтказиш мақсадида шаҳардаги Машиый хизмат касб-хунар коллежи футбол ўйингоҳида ўсмир ёшлар ўртасида футбол мусобақаси ўтказилди. Ушбу мусобақада Асака шаҳридаги маҳалла фуқаролар йиғинлари ёшларидан иборат 18 та жамоа иштирок этди. Ҳалиб жамоалар қимматбаҳо совғалар билан тақдирланди.**

**Х.МАЪМУРОВА**

## МАЪНАВИЙ ТАРҒИБОТНИ КУЧАЙТИРАЙЛИК

Республика "Маънавият ва маърифат" марказида унинг Қорақалпоғистон Республикаси, вилоятлар ва Тошкент шаҳри бўлимлари раҳбарлари иштирокида бўлиб ўтган мажлисда маънавият ва маърифатнинг бугунги долзарб масалалари муҳокама этилди.

Унда мустақилликнинг ўн бир йиллиги олдидан жойларда тарғибот ва ташвиқот ишларини кучайтириш, ана шу тарихан қисқа давр ичида босиб ўтилган йўлни одамларга теран таҳлил этиб бериш ло-

ўзгаришлардан бир-биримизни бохабар этиб тура- миз!" Бу ваъданинг адо этилишини ҳам қалблардаги вафо туйғуси кафолатлайди.

Битирувчилар ўз устозларига миннатдорчилик билдириш учун доимий қўлланилувчи сўзлар ўрнига буткул ўзгача калом ахтардилар. Чунки улар шу бугунгина устозларнинг меҳри нақадар бекиёс- лигини тўла англаб етадилар.

Устозларнинг ўз ўқувчиларига билдираётган тилак- лари бироз ўзгачароқлиги- ни, улар бот-бот шогирд-

ларини олдидан катта масъу- лият кутиб тургани ҳақида гапирётганларининг саба- би-ю, шогирднинг ҳар бир ютуғи устоз меҳнатининг са- марасини белгилаб бери- шини ҳам битирувчилар бу- гунгина юрак-юракдан ҳис этадилар. Шу онда...

Маъсум болалик даври тугаб, масъулиятли ёшлик бошланганидан, битирув- чилар олдида катта ҳаёт- нинг дарвозаси очилгани- дан дарак берувчи сўнги кўнғироқ садоси янграйди: — Жириг-жириг!!!

**Маъсуд ТУРСУНЗОДА**

## УСТОЗЛАР ҲАЯЖОНИ

**Ёхуд сўнги кўнғироқ масъулияти ҳақида сўз**

Биринчи синф ўқувчиси... Битирувчи... Муаллим... Сўнги кўнғироқ чалиниши арафасида биринчи синф ўқувчиларининг ҳам, битирувчиларнинг ҳам қалбидан қандай ҳислар кечиши барчага аён. Чунки, инсон қайси касб эгасилигидан қатъий назар, бу икки "поғона"даги ҳаяжонни ўз дилида туйган бўлиши табиий. Аммо, "учин- чи поғона" ҳаяжони фақат биз-муаллимларга тегишли- дир.

Сўнги кўнғироқ битирувчиларимизга ҳаётнинг масъу- лиятли даври бошлангани ҳақида дарак берувчи илк кўнғироқдир, десак асло муболага бўлмайди. Бугунги битирувчилар бирор-бир мутахассислик эгаси бўлиши учун олий ўқув юртларида тахсил олаётган, ихтисослик- лари бўйича қайсидир бир қорхонада юрт равнақи учун хизмат қилаётган, оила қураётган ва фарзанд тарбия- лаётган чоғларида ҳам сўнги кўнғироқ садоси юракла- рининг туб-тубида қайта янграши аниқ. Зеро, сўнги кўнғироқ янграган дамдан бошлаб қалбдаги болалик шўхликлари ўрнини ёшлик шижоати ва масъулияти эгал- лай бошлайди.

Ҳа, бугун биз яна бир гуруҳ шогирдларимизнинг кат- та ҳаёт томон йўл олишларига гувоҳ бўлиб турибмиз. Эртага улар ҳар жабҳада юртимиз номини жаҳонга кўз- кўз этувчи комил инсонлар бўлиб етишадилар. Шогирд- ларимизнинг эришган ҳар бир ютуғи меҳнатимиз беса- мар кетмаганининг далил-исботи бўлганлиги боис, биз- нинг бугунги ҳаяжонимиз уларникидан кам эмас. Биз шундай йўлар ила битирувчиларга оқ йўл тилар экан- миз, уларнинг ҳаёт йўллари ҳамиша ойдин ва равон бўлишини истаб қоламиз.

**Гулноза МУЗАФФАРОВА,**  
Тошкентдаги 41-мактаб директори

**Ҳаракат маҳаллий ҳокимлик билан ёшлар ўртасида кўприк вазифасини ўтамоқда.**

Олий ўқув юртида таълим олаётган ўттиз беш нафар талабага банклардан кредит олишларига яқиндан ёрдам бер- диқ. Бундан ташқари, кам таъминлан- ган оилаларда воёга етаётган ёшларга ҳокимлик билан ўзаро келишиб, мод- дий ёрдам берилди. Ёшларнинг бўш вақ- тларини ва маданий дам олишларини кўнгилли ўтказиш учун бир қанча ама- лий тадбирларни ўтказдиқ.

Ҳозирги кунда маблағ топиш осон эмас. Саховатпеша инсонларнинг бе- миннат ёрдамлари туфайли юқорида ай- тиб ўтилган барча тадбирларга ўз вақ- тда ўтказишга эришамиз.

Гиёҳвандликка қарши курашда Ҳара- кат аъзолари бир қанча ишларни ҳоки- мият, прокуратура, ИИБ, ўқув юртлари, ҳарбийлар, давлат ва жамоат ташкилот- лари билан ҳамкорликда доимий равиш- да олиб бормоқда. Мисол учун, "Гиёҳ- вандлик — аср вабоси" каби қатор тад- бирлар шулар жумласидандир.

**Лола ЖЎРАЕВА,**  
"Камолот" ёшлар ижтимоий ҳаракати Термиз шаҳар Кенгаши раиси

да иш олиб бориш лозим. Йиғилишда шунингдек маънавият ва маърифат соҳа- сида ўтказилаётган турли кўрик-танловлар савиясини кўтариш, уларни "Миллий ист- тижлол гоёси: асосий тушунна ва тамойиллар" рисоласи маз- мун-моҳиятини халқимиз онги ва қалбига сингдиришнинг му- ҳим воситаларидан бирига ай- лантириш чора-тадбирларини ишлаб чиқиш масаласида ҳам фикр алмашилди.

**Мурод ҲОШИМОВ**

Тошкент Молия институти қошидаги Республика Молия лицейи ҳақида кўп бор эшитганман. Мамлакатимизда ўз ўрни ва салоҳиятига эга бўлган ушбу лицей битирувчиларининг 90-95 фоизи олий ўқув юртлари талабалари сафига қабул қилиниши даставвал мени ҳайратлантирганди. Ахир, бу юқори кўрсаткич-ку! Демак, лицейда таҳсил олаётган ўқувчиларни бир сўз билан иқтидорлилар, десак, хато бўлмайди.

# МУСТАҚИЛ ҲАЁТ САРИ



Хуллас, сўнги кўнғирок баҳонасида лицейга ташриф буюрдик. Лицей ҳовлисига кирар эканмиз, атрофи гулзор билан ўралган уч қаватли янги бино замонавийликдан дарак бериб турибди. 1996 йилда ташкил қилиниб, иқтисод йўналиши бўйича ўқувчилар тайёрлайдиган лицей, мана олти йилдирки, энг яхши натижаларни кўлга киритмоқда. Бунга эса бино ичкарасини кузата туриб, яна бир карра амин бўлдик. Замонавий техника асбоблари билан жиҳозланган, ҳар бир фан бўйича махсус ташкил қилинган синф хоналар ўқувчиларнинг етарли ва зарур билим олишлари учун қулайлик туғдиради.

— Кўпгина ўқув қуроллари, синф хоналардаги техник жиҳозлар Жанубий

Кореядан келтирилган, — дейди лицей директори, доцент Тошнӣз Аҳмедов. — Кўриб турганингиздек, лицейимиз яқинда янги бинога кўчди. Шундай бўлса-да, шу қисқа фурсат ичида хоналаримизни ҳар бир фанга мослаб жиҳозладик. Кенг ва ёруғ хоналар ўқувчилар ихтиёрида. Лицейда аниқ фанлар, хусусан, математика, инглиз тили, ўзбек тили ва адабиёти ҳамда информатика фанлари чуқурлаштирилиб, ушбу дарсларда ҳар бир синф иккига бўлиб ўқитилади. Ўқувчилар бир вақтнинг ўзида моҳир педагоглардан иқтисодий билим мақолакаларини олишади. Лицейимизга республика миқёсининг турли жойларидан ўқувчилар қабул қилинади. Вилоятдан келган

ўқувчилар ётоқхона билан таъминланади.

— Бу йилги қабул жараёни кўпчилик ота-оналарни, таянч мактаб битирувчиларини қизиқтиради, шу хусусда ҳам тўхталсангиз?

— 9-синфни битирган йигит-қизлар физика, математика, инглиз тили фанларидан тест топшириб, лицейимизга қабул қилинади. 9-синфни тугатганлиги тўғрисида шаходатнома (асл нусхаси), туғилганлик тўғрисида гувоҳномадан кўчирма, соғлиғи тўғрисида тиббий маълумотнома, яшаш жойидан маълумотнома, 3x4 см. ўлчамдаги тўрт дона фотосурат зарур ва тақдим этилажак ҳужжатлар ҳисобланади. Билим даргоҳимизда таҳсил олишни мақсад қилганлар бўлса, марҳамат. Бизда чуқур билимларни эгаллаш учун ҳамма шароит етарли.


Ҳа, шароит, имконият бўлса, натижа ҳам шунга яраша бўлади. Зеро, лицейни битирган ёшлар аниқ пайтда пойтахтдаги энг нуфузли олий ўқув юртларида таҳсил олишмоқда. Бундан эса лицей маъмурияти ҳар қанча фахрланса арзийди. Ахир, мақсад ҳам шу. Қолаверса, ёшларнинг келажаги учун мустақам пойдевор бўлаётган лицей нуфузи-

нинг йилдан йилга ошиши ҳам тажрибали ўқитувчиларнинг меҳнатлари эвазига бунёд бўлмоқда.

— Бу йил лицейни 26 нафар ўқувчи битиради, — дейди маънавий ва маърифий ишлар бўйича директор муовини Исмаилов Орипов. — Яқинда Давлат Тест маркази томонидан битирувчиларимизга тест топшириқлари берилиб, имтиҳондан ўтказилди. Натижа аъло бўлмаса-да, ҳар ҳолда яхши. Энг юқори кўрсаткич 136 баллни ташкил қилди. Нима бўлганда ҳам бу йилги битирувчилардан умидимиз катта.

Лицейни битираётган 11-синф ўқувчилари ҳаяжон билан сўнги кўнғирокқа тайёргарлик кўришмоқда. Қайсидир йигитнинг хаёлини синфдош қизга нисбатан айтилажак дил изҳори забт этган. Бир-биридан ажралгиси келмаётган синфдош дугоналарнинг кўзлари ҳам севинчдан, ҳам кўз ёшдан чарчаб, нигоҳи узокларга боқади. Қараб туриб, уларга ҳавасингиз келади. Ёшлиқнинг беғубор дамлари ортда қолаётгандек, тезгина уларнинг даврасига кўшилам.

— Икки йил бирга ўқиган синфдошларни унутиш мен учун оғир, — дейди ташвиш билан Фарруҳ Хайдаров. — Устозларимизга анчагина



ўрганиб қолгандик. Гарчи қаттиққўл бўлишса-да, уларни чин юракдан яхши кўришимизни аниқ шу дамда ҳис қиляпман.

— Тўғри, шу йиллар орасида кўп шўхликлар қилдик, — дейди суҳбатимизга қўшилган Шерзод Саидаминов. — Бунинг учун устозларимиздан кечирим сўраймиз. Лицейимиз бизга жуда қадрдон бўлиб қолган. Бу даргоҳни тарк этсак-да, қалбимиз, юрагимиз шу ерда қолади.

— Битирув йилининг сўнги кунларида синф-

дейди афсус билан Беҳзод Равшанов.

Шу пайт сафланиш тўғрисида буйруқ берилди. Битирувчилар бир-бири лицей ҳовлисида саф тортишди. Ҳамма кўнглидаги гапни устозларига етказар экан, ҳаёт мактабига қадам қўяётганидан фахрланаётганини уларнинг юз-кўзидан билиш мумкин эди.

Ҳаёт мактаби... Унда шўхликлар-у, хатоликларга асло йўл қўйиб бўлмайди. Ноўрин қилинган биргина хатти-ҳаракат "ўқувчи"ни шу мактаб дарго-



дошлар билан муносабатимиз янада мустақамланди. Бир-биримизни хафа қилиб қўймаслик учун муомалада эҳтиёткорроқ бўламиз. Бу laxзаларнинг қадрига энди энди етай деганда улар билан хайрлашяпмиз. Тўғриси, алам қилади, —

ҳидан бир умрга четлаштириб ташлайди. Унда Ҳақиқат дарси, Адолат мавзуси яшашнинг бош мақсади ҳисобланади. Шундай экан, битирувчилар сўнги кўнғирок олдидаги ана шу масъулиятни ҳис қилаётган бўлса, ажаб эмас...

Саҳифани Зиёда АШУРОВА, Маъруф ТОШПҮЛАТОВ тайёрлади. Суратлар муаллифи — Азиз АҚРОМОВ.

## ГАК «UZVNESHTRANS» ИЗВЕЩАЕТ О ПРОВЕДЕНИИ ОБЩЕГО СОБРАНИЯ АКЦИОНЕРОВ, КОТОРОЕ СОСТОИТСЯ 25 ИЮНЯ 2002 Г. В 10.00 ПО АДРЕСУ: Г. ТАШКЕНТ, УЛ. Т. ШЕВЧЕНКО, 1 В ЗДАНИИ МВЭС РУЗ.

Список акционеров имеющих право на участие в Общем собрании акционеров, составлен по состоянию на 25 мая 2002 г.

Регистрация акционеров с 09.00 часов. Повестка дня очередного общего собрания акционеров ГАК "Uzvneshtrans"

1. Избрание состава счетной комиссии
2. Отчет Председателя Правления об итогах финансово-хозяйственной деятельности за 2001 год.
3. Отчет ревизионной комиссии о результатах проверки финансово-хозяйственной деятельности за 2001 год.
4. Утверждение годового отчета, бухгалтерского баланса Компании, счета прибылей и убытков Компании за 2001 год.
5. О распределение прибыли за 2001 г. в т.ч. на дивиденды.
6. Утверждение бизнес-плана развития Компании на 2002 год.
7. Утверждение независимого аудитора ГАК "Uzvneshtrans"
8. Утверждение Председателя Правления ГАК "Uzvneshtrans"
9. Прочие вопросы.

С дополнительной информацией по вопросам, внесенным в повестку дня собрания, акционеры могут ознакомиться по адресу: г. Ташкент, ул. Буюк Ипак йули, 75. Тел. 68-74-75, 68-74-76.

Просьба при себе иметь паспорт или иное удостоверение личности.

Наблюдательный совет.  
Баланс ГАК "Uzvneshtrans" по состоянию на 01.01.2002 г.

1. Баланс ГАК «Uzvneshtrans» по состоянию на 01.01. 2002 г.

Наименование статей	№ стр.	тыс. Сум
<b>Актив</b>		
Основные средства		
Долгосрочные активы	110	666203
Оборотные активы		
Производственные запасы	120	8057
Расходы будущих периодов	160	761765
Денежные средства	170-180	5670773
Краткосрочные вложения	200	19663
Дебиторская задолженность	220-290	13927770
Всего по активу баланса	310	21054231
<b>Пассив</b>		
Источники собственных средств		
Уставный капитал	320	100434
Резервный капитал	340	4905
Нераспределенная прибыль	350	377493
Доходы будущих периодов	380	1012865
Займы и кредиты	400	474336
Кредиторская задолженность	440-530	19084198
Всего по пассиву баланса	550	21054231

Отчеты о финансовых результатах ГАК «Uzvneshtrans» за 2001 год.

Наименование статей	№ стр.	в тыс. сум
Выручка от реализации продукции (работ, услуг)	010	1124944
Чистая выручка от реализации продукции (работ, услуг)	050	948960
Общий финансовый результат до уплаты налога	170	523325
Чистая прибыль отчетного года	200	291083

Достоверность годового баланса подтверждена аудиторской компанией ООО "BITKONSAUDIT". Лицензия Министерства Финансов РУз №00348 от 10.01 2002г.

## КУРСДОШЛАР УЧРАШУВИ

2002 йилнинг 1 июнь куни соат 10 да Ўзбекистон Миллий университети тарих факультетини 1992 йил битирувчиларининг "Курсдошлар учрашуви" бўлиб ўтади.

Манзил: Тошкент шаҳрида жойлашган Алишер Навоий номидаги Ўзбек Давлат академик катта опера ва балет театри биноси олдида.





Ko'ngil ijodxonasi

DUNYO MUHABBATI BILAN MENIKI

Шоира Хосият Рустимова билан суҳбат



— “Шоирлар армондан тугилади-лар”, деган эди севимли шоиримиз Усмон Азим. Менинг назаримда, Хосият Рустимова бахтдан тузилгандек...

— Менинг назаримда эса севганларнинг ҳаммаси бахтдан тузилган. “Бахт” сўзи қанчалик чиройли жарангласин, ҳеч ким “бахтлиман” дейишга ўзида куч тополмайди. Бу сўз “бахтли” юракларга-да оғирлик қилади. Айтиш мумкин бўлса, заминдан оёғи узилмаган ҳар бир инсон учун айтардим бу сўзни. Тириклик — мўъжиза. Агар жони узилаётган одамга “яна бир соат яшайсан”, дейишса, миллион йил яшаган бўлармиди, мана шу олтимиз дақиқада. Биз кўпда тушуниб-тушунмайдиган, жуда оддий бўлиб кўринадиган яшамок — бахт, севиб-севилмоқ — бахт...

— Шоир аҳли аксариет ҳолларда армонини титкилаш, ўзини азоблаб орқали ўзида кайфият яратади, шеър ёзади. Сизда эса, ботингизни тўзгитишга қодир армон йўқдек туюлади менга.

— Ҳис қила билсак, бехуда ўтаётган ҳар бир кунимиз армон.

— Демак, инсон тўлалигича бахтли бўлмайди, шундайми?

— Инсон бир сонияда неча марта бахтли бўлиб ва ўша лаҳзанинг ўзида тескариси ҳам бўлиши мумкин. Биласизми, бу саволга умри билан ҳисобкитоб қилаётган кишигина энг тўғри жавобни бери-

ўйлайман.

Сиз назарда тутган шоирлар (шоира дегим келмайди уларни) билан руҳан жуда яқинман. Лекин ҳеч кимнинг, яна қайтариб айтаман, ҳеч кимнинг тақдири бир-бирига ўхшамайди.

— Шоир шеърларида ўз тақдирини башорат қилади, дейдилар, шунга ишонасизми?

— Борис Пастернак Евтушенконинг ўлим ҳақидаги шеърларини ўқиб, “Ўз ўлимингизни башорат қилманг”, деб айтган эди. Бу гапнинг нечоғли рост, нечоғли ёлгон эканлиги бугунги кунда ҳам ўз тақдирини топаётганга ўхшайди.

— Демак ишонасиз?

— Шундай экан, ижодингизда бош мавзуга айланиб бораётган тириклик ва ўлим ҳақидаги шеърларингизга тўхталмоқчи эдим.

“Йўловчи! Йўловчи! Кўллариңгни бер, Мен сени эртага кўраманми, йўқ” каби мисраларни ёзишга кўркмайсизми?

— Шеър ёзиш жараёнида шоирни кимдир бошқариб туриши ростга ўхшайди, чамамда. Ҳар гал ёзиб тугатгач, қайтиб шу мавзуда ёзмасликка аҳд қиламан. Лекин шу мавзу ўзига тортиб кетаверади. Қани эди, кимдир мени ўлимнинг йўқлигига, ўлимнинг ёлгонлигига ишонтирса эди, ишонтиролса эди...

Ойдин Йўлдошева суҳбатлашди

\*\*\*

Қ.Н.га
Кўнглимнинг даштида адашдим минг бор,
Оллоҳим, кўп яшаб қилдимми, хато?
Чорлардим номингни чақириб тақрор —
Азизим, дўзахда бўлса ҳам ҳатто...
Бу дунё ўлишдан чарчагани йўқ,
Кимларни йиғлатиб, гул тутди кимга?!
Негадир, негадир, негадир мени —
Ишонгим келмайди тириклигимга.
Кўксимга бостириб келар ваҳима,
Юрагим — қоп-қора тунга соқчидир.
Ўзини ҳар ёнга ташлаётган — нима??
Ё Танерим ўзини кўрсатмоқчидир.
Кўнглимнинг даштида қолдим саросар,
Ёлбориб тиз чўкдим.
Йиғладим тунга —
Жоним, бу дунёда бўлмасанг, агар,
Ким ҳам ишонарди худолгимга?!

О, яна боғларга қоронгу тушди,
Ташлади лаҳзада кунни ўчириб.
Шоҳларга беркинган қоп-қора қушни,
Хавотир қайгадир кетди учуриб...
Қоронгу кечанинг санчар юраги,
Ёшли кўзларидан сочилар учкун.
Ўйлайман...

Шоҳдаги ғариб қуш каби,
Эрта мени қайга ташлаб кетар Тун?!

Ваҳмали сукутдан безган ташқари,
Жонини сезмаган каби туйқусдан.
Қўлтиқтаёғида йўлни бошқариб,
Тунлар ҳозир қайтиб келди урушдан.

Ойнага урилар шамол асабий,
Беёғду кечалар кўринар ғариб.
Тунни кўриқлаган маҳбуслар каби,
Дарахтлар кўчада юрар айлашиб.

ДЕСАҲКА МАКСИМОВИЧА
Одам кетиб борар...
Дунё яшамокдан тўхтади бир зум,
Мен бор овозда бақиргим келар,
Тобут ичидаги балки мен ўзим.
Нима бўлганда ҳам,
Ким бўлганда ҳам —


Одам кетиб борар.
Одам кетиб борар —
Ўзини бир жойга йиғиб,
Қўл силкиб ҳаётини ўйинларига.
Ўзи билганидан қолмади бугун,
Чап берди дунёнинг қонунларига
Кундузни кутмади,
тунни кутмади.
Илк бора ўзига қаратди юзин.
(Ўзин кўраганига кўп бўлган эди)
Ўзи билганидан қолмади бугун.
Одам кетиб борар —
ҳавода сузиб,
Чайқалиб, чайқалиб сузади елкан.
Йўлларга япроқлар қолар узилиб,
Одам кетиб борар жуда ҳам улкан.
Одам кетиб борар
Узатиб, узатиб оёғларини.
Одам кетиб борар осойишта жим.
Дунё, яшамокдан тўхтаган бир зум.
Мени бор овозда бақиргим келар,
Тобут ичидаги, балки мен ўзим.
Одам кетиб борар...

Менинг шамоллигим ёлгон,
Учолмасдан жоним ҳалак.
Кўзларимдан тўқилса жон —
Ўзин ерга отар фалак.
Менинг тириклигим ёлгон,
Қабр бир кун олар жойлаб.
Тирик бўлсам —
Атрофимда —
Ўлим юрармиди пойлаб?!

Сукунат.
Тун юрар оёқ учуда,
Яланғоч кечалар берух, беқайгу.
Қоронгу кечода,
Туннинг ичида —
Жонимга беркинб турибди кўркүв.
Дарахтнинг титроғи танимга кўчган,
Бетоқат кўзларим ташлайди савол.
Наҳотки, осмоннинг чироғи ўчган,
Ёнимда шамол йўқ, шамол йўқ, шамол!

Хосият РУСТАМОВА

БОШҚОТИРМА



Тузувчи: Махмуд ҚАЮМОВ

КУЛГИ БЕКАТИ

— Чайқов бозоридаги олиб-сотарларнинг кўнгли жамиятига аъзо бўлволдингизми?
— Ҳозирча йўқ, кириш бадалини тўлолмаяман.
— Бундан кейин мажлисбозликка чек қўйлик.
Гап камрок, иш кўпроқ бўлсин.
— Ҳўп бўлади.
— Шу масалани келишиб олиш учун шошилинч мажлис чақирайлик.
— Ў-ҳў, ҳар соҳадан лисбозликка чек қўйлик.
ю, — деди ўқитувчи талабанинг дафтарини варақлаб.
— Бетига ёзиб қўйилган-ку, домла, бу умумий дафтар-да.
ҲАБИБ СИДДИҚ, Андижон тумани

Table with 2 columns containing property and document information. Column 1: 1984 йилда ТИҚХМИИ Қарши филиали томонидан Аманов Баҳодир Бўриевич номига берилган ИВ — 1 №298945 рақамли диплом йўқолганлиги сабабли БЕКОР ҚИЛИНАДИ. Column 2: Азизов Абдуқодир Бозорович номига 1996 йилда берилган № 230794 рақамли имтиёзли йўл чиптаси йўқолганлиги сабабли БЕКОР ҚИЛИНАДИ.

Turkiston MAUSSIS: «КАМОЛОН» ЁШЛАР ИЖТИМОЙ ХАРАКАТИ
Газета Ўзбекистон Давлат Матбуот кўмитасида № 00012 рақам билан рўйхатдан ўтган.
Босишга тошириш вақти—21.00
Топширилди 21.00
1 2 3 4 5 6
Офсет усулида босилган. Қоғоз бичими А-3.

Бош муҳаррир: Салим АШУРОВ
Тахрир хайъати: Ботир УБАЙДУЛЛАЕВ, Комил ЮСУПОВ, Аслиддин БОЛИЕВ, Юсуф ЖҲРАЕВ (Бош муҳаррирнинг биринчи ўринбосари), Рустам ҚОСИМОВ, Баҳодир МАХСИТОВ, Анвар ЖАББОРОВ, Исрол ҲАМРО, Ғайрат ШОУМАРОВ, Авазхон СОДИҚОВ, Насриддин МУҲАММАДИЕВ, Шоазим МИНОВАРОВ, Ғаффор ҲОТАМОВ, Абдуғани ЖУМАЕВ
Тахририятта юборилган материаллар қайтарилмайди.
Муаллифлар фикри тахририят нуктаи назаридан фарқланishi мумкин.

Вилоят мухбирлари:
Сурхондарё ва Қашқадарё вилоятлари буйича — Термизга: 8-37622 — 3-53-88
Бухоро ва Навоий вилоятлари буйича — Бухорога: 8-365 — 223-37-44
Сирдарё, Жиззах ва Тошкент вилоятлари буйича — Гулистонга: 8-3672 — 24-02-86
Фарғона, Андижон вилоятлари буйича — Фарғонага: 8-3732 — 24-54-61
Наманган вилояти буйича — Наманганга: 8-36922 — 6-10-70
Самарқанд вилояти буйича — Самарқандга: 8-3662 — 34-43-89
Қорақалпоғистон Республикаси ва Хоразм вилояти буйича — Ураччига: 8-36222 — 7-45-22
Корхона манзили: «Буюк Турон» кўчаси, 41.
Буюртма Ғ. — 31 10. Адади-8428
Газета тахририят компьютер марказида терилди ва саҳифаланди

Манзилимиз: 700083, Тошкент, Матбуотчилар кўчаси, 32.
Телефонлар: 133-95-97, Реклама бўлими: (3712) 133-79-69
«Шарқ» нашриёт-матбаа акциядорлик компанияси босмаҳонасида чоп этилди.
Навбатчи муҳаррир: Воҳид БОЙМУРОДОВ
Саҳифаловчи: Нодирбек ОРТИҚОВ